


Generacija za ravnopravnost juli – decembar 2021. godine

**Budućnost pripada
ravnopravnim generacijama!**



Uz podršku:



Sadržaj

Globalna kampanja "Generacija za ravnopravnost"	3
"Generacija za ravnopravnost" u Bosni i Hercegovini	5
Akcione koalicije.....	5
Pokretanje Akcione koalicije o tjelesnoj autonomiji i seksualnom i reproduktivnom zdravlju	6
Pokretanje Akcione koalicije za ekonomsku pravdu i prava.....	7
Pokretanje Akcione koalicije o rodno zasnovanom nasilju.....	9
Kampanja na društvenim mrežama.....	11
Saradnja sa medijima.....	11
Saradnja sa influenserima i influenserkama.....	13
Video produkcija.....	15





ŽENSKA
PRAVA SU
LJUDSKA
PRAVA

**GLOBALNA KAMPAĐA
“GENERACIJA ZA
RAVNOPRAVNOST”**

Pekinška deklaracija i Platforma za akciju iz 1995. godine najveća je vizionarska agenda za osnaživanje žena, djevojaka i djevojčica širom svijeta. Razvijena na Četvrtoj svjetskoj konferenciji o ženama u Pekingu u Kini, događaju koji je poznat kao najveće ikad okupljanje zagovarača/ica rodne ravnopravnosti, Pekinška platforma za akciju usvojena je od strane 189 vlada posvećenih da poduzmu strateške i odlučne aktivnosti u 12 ključnih područja.

Godina 2020. obilježila je 25. godišnjicu Pekinške platforme za akciju. Uprkos određenom napretku, sistemske barijere koje sprečavaju žene da ostvare jednak učešće u svim oblastima života, bilo u privatnoj ili javnoj sferi, još uvijek su prisutne. Danas nijedna zemlja ne može tvrditi da je ostvarila rodnu ravnopravnost. Kroz kampanju **“Generacija za ravnopravnost: Ostvarivanje prava žena za ravnopravnu budućnost”**, UN Women okuplja nove generacije aktivista/kinja za prava žena zajedno sa zagovaračima/icama i vizionarima/kama koji su bili ključni u kreiranju Pekinške platforme za akciju prije više od dvadeset godina.



Kolektivno, ovi donositelji/ce promjena, različite starosti i svih rodova, mogu se pozabaviti nezavršenim zadatkom osnaživanja žena. Ova kampanja zahtijeva jednake plate, jednaku podjelu neplaćenog rada, okončanje seksualnog uznemiravanja i svih oblika nasilja nad ženama i djevojkama, zdravstvene usluge koje odgovaraju njihovim potrebama, i njihovo jednakno učešće u političkom životu i donošenju odluka u svim oblastima.

COVID-19 je dodatno povećao rodne nejednakosti, nasilje i ekonomske razlike. Forum "Generacija za ravnopravnost" obezbijedio je ključnu priliku za suočavanje sa ovom krizom. Ovaj Forum je globalno okupljanje zagovarača/ica rodne ravnopravnosti, koje je fokusirano na civilno društvo, a sazvano od strane UN Women, i suorganizirano od strane vlada Meksika i Francuske. Forum je započeo u Mexico Cityju od 29. do 31. marta 2021. godine, i kulminirao u Parizu od 30. juna do 2. jula 2021. godine, lansirajući seriju konkretnih, ambicioznih i transformativnih aktivnosti za postizanje trenutnog i nepovratnog napretka ka rodnoj ravnopravnosti.

U sklopu "Generacije za ravnopravnost" uspostavljeno je šest akcionih koalicija, globalnih, inovativnih partnerstava sa različitim akterima, koja mobiliziraju vlade, civilno društvo, međunarodne organizacije, kao i privatni sektor u smjeru pokretanja kolektivne akcije, podsticanja privatnog i javnog ulaganja, i ostvarivanja konkretnih i odlučujućih rezultata koji će promijeniti stvarnost žena, djevojaka i djevojčica.

Acktive koalicije se fokusiraju na šest područja:

1. Rodno zasnovano nasilje;
2. Ekonomski pravda i prava;
3. Tjelesna autonomija i seksualno i reproduktivno zdravlje;
4. Feministička akcija za klimatsku pravdu;
5. Tehnologija i inovacija za rodnu ravnopravnost;
6. Feministički pokreti i vodstvo.

Na pariškom Forumu "Generacija za ravnopravnost" objavljene su odvažne aktivnosti u smjeru postizanja rodne ravnopravnosti, kao i lansiranje petogodišnjeg globalnog plana akcije za ubrzavanje postizanja rodne ravnopravnosti do 2026. godine.

Odvažnu agendu Foruma, orijentiranu ka akciji, potcrtava skoro 40 milijardi dolara potvrđenih ulaganja, kao i ambiciozna politička i programska obavezivanja od strane vlada, filantropije, civilnog društva, organizacija mladih i privatnog sektora. Ove obaveze se dešavaju u ključno vrijeme dok svijet procjenjuje nesrazmjeri i negativni utjecaj koji je COVID-19 imao na djevojčice, djevojke i žene. Podržavatelji/ce rodne ravnopravnosti zagovaraju rodno odgovorne planove oporavka koji će osigurati da žene, djevojke i djevojčice ne budu ostavljene po strani u procesu obnove.



BUDUĆNOST PRIPADA RAVNOPRAVNIM GENERACIJAMA

“GENERACIJA ZA RAVNOPRAVNOST” U BOSNI I HERCEGOVINI

Akciione koalicije

Bosna i Hercegovina se pridružila “Generaciji za ravnopravnost” u ljeto 2021. godine, sa kampanjom koja je posvećena društvenoj mobilizaciji i lokalizaciji akcionih koalicija. Od jula do decembra 2021. godine pokrenute su tri akcione koalicije, koje se fokusiraju na:

1. Tjelesnu autonomiju i seksualno i reproduktivno zdravlje (juli 2021. godine)
2. Ekonomsku pravdu i prava (oktobar 2021. godine)
3. Okončanje rodno zasnovanog nasilja (decembar 2021. godine)

U kampanji “Generacija za ravnopravnost” u Bosni i Hercegovini učestvuju brojni partneri, pod vodstvom UN Women, u partnerstvu sa Agencijom za ravnopravnost spolova BiH, Gender centrom Republike Srpske, Gender centrom Federacije BiH, Ujedinjenim nacijama u BiH, uključujući UN-ove agencije Populacijski fond Ujedinjenih nacija (UNFPA) i Svjetsku zdravstvenu organizaciju (WHO), u saradnji sa francuskom i britanskom ambasadom, i uz podršku Švedske.




Pokretanje Akcione koalicije o tjelesnoj autonomiji i seksualnom i reproduktivnom zdravlju

Akciona koalicija "Generacije za ravnopravnost" o tjelesnoj autonomiji i seksualnom i reproduktivnom zdravlju pokrenuta je u Sarajevu 8. jula 2021. godine od strane Populacijskog fonda Ujedinjenih nacija (UNFPA) i ambasade Francuske u BiH, u saradnji sa Agencijom za ravnopravnost spolova BiH i UN Women. Dogadjaj je okupio aktiviste/kinje, profesionalce/ke i donositelje/ice promjena iz BiH kako bi se definirala i najavila ulaganja i politike vezane za tjelesnu autonomiju i seksualno i reproduktivno zdravlje i prava.

Pravo na tjelesnu autonomiju i seksualno i reproduktivno zdravlje znači da djevojke i žene, u svoj njihovoj različitosti, imaju slobodan pristup informacijama o seksualnom i reproduktivnom zdravlju, obrazovanju i uslugama, i podržane su od strane društva da donose odluke o svojim tijelima, seksualnosti i rađanju, bez ucjene, nasilja i diskriminacije.

Akciona koalicija o tjelesnoj autonomiji i seksualnom zdravlju i pravima mobilizirat će vlade, civilno društvo, organizacije mladih, filantropie i privatni sektor s ciljem transformativnog napretka kroz četiri konkretne aktivnosti: širenje sveobuhvatnog seksualnog obrazovanja, povećavanje dostupnosti, pristupa i kvaliteta usluga abortusa i kontracepcije, povećavanje donošenja odluka u oblasti seksualnog i reproduktivnog zdravlja i prava i tjelesne autonomije, te jačanje feminističkih i ženskih organizacija i mreža u promociji i zaštiti tjelesne autonomije i seksualnih i reproduktivnih prava i zdravlja.



”

Forum 'Generacija za ravnopravnost' u Parizu donio je odvažnu agendu za postizanje rodne ravnopravnosti. Snažne obaveze napravljene su kada su u pitanju tjelesna autonomija i seksualno i reproduktivno zdravlje i prava, što će osnažiti žene i djevojke, u svoj njihovoj različitosti, da donose autonomne odluke o svojim tijelima, seksualnosti i rađanju.

”



CHRISTINE TOUDIC,
ambasadorica Francuske u BiH

“

Tjelesna autonomija je ljudsko pravo. Nažalost, životi brojnih žena i djevojaka još uvijek su obilježeni gubitkom tjelesnog integriteta i manjom mogućnosti donošenja vlastitih odluka. UNFPA podržava partnere na više razina u implementaciji Akcione koalicije o tjelesnoj autonomiji i seksualnim i reproduktivnim pravima.

”



JOHN KENNEDY MOSOTI,
predstavnik UNFPA u BiH



Foto: UN Women/Denis Ruvic

Pokretanje Akcione koalicije za ekonomsku pravdu i prava

Događaj "Partnerstvo za ekonomsku pravdu i prava: Koja je ekonomski vrijednost brige?", održan je 5. oktobra 2021. godine u Sarajevu, čime je zvanično pokrenuta Akciona koalicija za ekonomsku pravdu i prava u Bosni i Hercegovini.

Ova akcionala koalicija adresirat će ključne ekonomske prepreke s kojima se suočavaju žene i djevojke kroz značajne aktivnosti koje trebaju donijeti promjenu do 2026. godine. U Bosni i Hercegovini, fokus ovog partnerstva bit će na ekonomiji brige.

Ekonomije i društva zavise od pružanja brige i njege kako bi preživjela i napredovala, a žene čine većinu radne snage kako u slučaju plaćene, tako i u slučaju neplaćene ekonomije brige i njege. Rad Akcione koalicije za ekonomsku pravdu i prava u BiH fokusirat će se na uspostavljanje dijaloga na temu brige i njege sa institucijama i organizacijama civilnog društva, kao i na podizanje svijesti o razumijevanju fenomena plaćenog i neplaćenog rada. Ključan dio ovog procesa je zagovaranje mogućnosti za žene kako bi ostvarile svoj puni potencijal kroz reaktivaciju na tržištu rada i pružanje podrške start-up poduzećima na čijem se čelu nalaze žene.



“ ”

Jedan od ključnih ciljeva koje podržavaju Ujedinjene nacije u BiH je da što više žena bude aktivno na tržištu rada, s obzirom da podaci pokazuju da ih je trenutno aktivno samo 36.5%. Posvećeni smo suradnji sa svim relevantnim institucijama na pronalaženju sistemskih rješenja koja bi pokrila oblasti brige o djeci, starijima i o ranjivim kategorijama stanovništva, o kojima se često ne govori ili koja su jednostavno zanemarena. U tom smislu, nedostatak dostupnosti podataka o ekonomiji brige razvrstanih po spolu predstavlja značajan izazov na kojem također želimo raditi sa našim ključnim partnerima.

DR. INGRID MACDONALD,
rezidentna koordinatorica Ujedinjenih nacija u BiH

“ ”



“ ”

Usluge čuvanja djece, socijalne usluge, pružanje njene od strane članova/ica porodice i zajednice imaju veliku ekonomsku i društvenu vrijednost, ali se ne vrednuju novčano. I plaćeni i neplaćeni rad, pogotovo onaj koji obavlaju žene, mora biti jednak vrednovan.

SAMRA FILIPOVIĆ-HADŽIABDIĆ,
direktorica Agencije za ravnopravnost spolova
BiH pri Ministarstvu za ljudska prava i izbjeglice BiH

“ ”



“ ”

Rodna ravnopravnost koristi svima i zbog toga je Ujedinjeno Kraljevstvo zagovara širom svijeta. U BiH radimo na tome da zemlja postane mjesto s jednakim šansama za dječake i djevojčice, za muškarce i žene. Partnerski pristup će nam pomoći da ubrzamo kolektivnu akciju, pokrenemo ulaganja i donesemo promjene. Ova inicijativa podrazumijeva veću svjesnost vlasti o pitanjima s kojima se žene suočavaju i bolji pristup fondovima i rodno odgovornim proizvodima i uslugama koji će ženama dati prilike koje muškarci često imaju zdravo za gotovo.

NJ.E. MATT FIELD,
britanski ambasador u BiH

“ ”

“

Nadamo se da će širok spektar uključenih aktera, uključujući organizacije civilnog društva i aktiviste/kinje, iskoristiti ovu priliku da zahtijevaju promjene, da na odgovornost pozivaju one koji mogu promjeniti ekonomsku stvarnost žena i djevojčica, i da donose hrabre odluke kako bi se poboljšala situacija za muškarce i žene, kao i djevojčice i dječake.

”



LISA CURMAN,
zamjenica šefice

Odjela za razvojnu saradnju
pri Ambasadi Švedske u BiH



Pokretanje Akcione koalicije o rodno zasnovanom nasilju

Događajem “Zajedno za društvo bez seksualnog nasilja”, koji je održan 3. decembra 2021. godine u Banjoj Luci, pokrenuta je Akciona koalicija o rodno zasnovanom nasilju u Bosni i Hercegovini.

Aciona koalicija za rodno zasnovano nasilje radi na koordinaciji napora u oblasti okončanja svih oblika nasilja nad ženama, širom svijeta. Fokus ove koalicije u BiH su pitanja koja se odnose na seksualno nasilje i seksualno uznenemiravanje.

Svjesni činjenice da rodno zasnovano nasilje nad ženama i djevojkama u BiH, te slučajevi seksualnog nasilja i seksualnog uznenemiravanja koje je objelodanio pokret “Nisam tražila”, predstavljaju grubu kršenja ljudskih prava žena i djevojaka i utiču na opštu dobrobit žena, sprečavajući žene da u potpunosti učestvuju u društvu, učesnici/e događaja potpisali/e su Deklaraciju Akcione koalicije o rodno zasnovanom nasilju u BiH. Ovim dokumentom potvrđili su svoju posvećenost pridržavanju najviših standarda u borbi protiv nasilja nad ženama. Ova zajednička deklaracija je otvoren dokument, koji pozdravlja nove potpisnike/ce koji su posvećeni borbi protiv seksualnog nasilja i uznenemiravanja.

“

Ova akcionala koalicija će lobirati za promjene na najvišim nivoima kako bi se osiguralo da zakonodavstvo kriminalizira sve oblike seksualnog nasilja; da nedostaci u procesuiranju slučajeva budu ispravljeni, i da svi počinitelji snose odgovornost; kao i da se preživjelima obezbijedi kvalitetna podrška u njihovim zajednicama. Konačno, moramo raditi na unapređivanju prevencije. Osuđivanje žrtava mora prestati, a u ovom procesu trebaju učestvovati i muškarci i mladići.

”



DAVID SAUNDERS,
predstavnik UN Women u BiH



SAMRA FILIPOVIĆ-HADŽIABDIĆ,
direktorica Agencije za ravnopravnost
spolova BiH pri Ministarstvu za ljudska
prava i izbjeglice BiH

”

Seksualno uz nemiravanje, kao vid rodno zasnovane diskriminacije, zabranjeno je zakonima Bosne i Hercegovine. Neophodno je osigurati svu potrebnu podršku žrtvama koje su preživjele seksualno nasilje u skladu sa zahtjevima Istanbulske konvencije. Problem seksualnog uz nemiravanja zahtjeva hitno zauzimanje stava o nultoj toleranciji. Naš zajednički zadatak je da djelujemo kako bismo stvorili društvo sa nultom tolerancijom na sve oblike rodno zasnovanog nasilja i omogućili ženama da ostvare svoj puni potencijal.

”

Kampanja na društvenim mrežama

Kampanja "Generacija za ravnopravnost" realizirana je i na društvenim mrežama, na profilima UN Women.

[FACEBOOK](#)
[INSTAGRAM](#)
[TWITTER](#)
[YOUTUBE](#)

KAMPANJA NA DRUŠVENIM MREŽAMA



71.786 pregleda



82.581 doseg




17.039 pregleda



27.041 pregled

U sklopu kampanje kreirana je kolekcija ilustracija koje tematiziraju različite aspekte postizanja rodne ravnopravnosti, pogotovo važnost uključivanja svih generacija u cilj ostvarivanja rodno ravnopravnog društva, ali se također osvrću i na specifične teme akcionalih koalicija, poput rodno zasnovanog nasilja, ekonomske sigurnosti i seksualnih i reproduktivnih prava.

Doseg poruka kampanje je obuhvatio hiljade osoba putem društvenih mreža i prateće saradnje sa medijima.



Saradnja sa medijima

UN Women je tokom kampanje sarađivao sa nizom domaćih i lokalnih medija koji su podržali kampanju. Bh. mediji su pružili podršku kampanji kroz redovno izvještavanje o aktivnostima kampanje, ali također i kroz posebno izvještavanje o ciljevima kampanje. Ovaj zamah je iskorišten kako bi se naglasio značaj postizanja rodne ravnopravnosti i uključivanje svih relevantnih partnera i aktera koji su dijelom ovog procesa.

U medijima je ukupno objavljeno

60



članaka o kampanji.

Mediji koji su izvještavali o kampanji uključuju BHRT, Al Jazeera Balkans, N1, Graciju, BH Radio 1, Klix.ba, i mnoge druge.



The screenshot shows the homepage of the radioSarajevo website. At the top, there's a navigation bar with a large 'S' logo, followed by links for 'radioSarajevo.ba', 'Vesti', 'Novosti', 'Politika', 'Ekonomija', 'Sport', 'Kultura', 'Tehnologije', 'Dokumentarni', and 'Video'. Below the navigation is a main video player showing two women in a studio setting. To the right of the video are several smaller video thumbnails. The main content area features a large image of a man with a speech bubble, with the text 'Sloboda je u svakom mjestu' overlaid. Below this are sections for 'Sloboda', 'Politika', 'Ekonomija', 'Sport', 'Kultura', and 'Tehnologije'. A sidebar on the left contains a 'Sloboda' section with a photo of a protest and a link to 'Sloboda je u svakom mjestu'. The bottom of the page has a footer with the 'radioSarajevo.info' logo and a 'GOLDEN HIT RADIO' logo.

Potpisana Deklaracija Akcione koalicije: Podrška u borbi protiv rodno zasnovanog nasilja

Deklaracija "Doprinos akcije podrške u borbi protiv rodno zasnovanog nasilju" je učinak deklaracije 3. decembra u Mostaru ustanovljene Akcione koalicije, koja je u sklopu projekta "Ustvarjanje bezbednijih i potporučujućih mreža za žene u borbi protiv rodno zasnovanog nasilja", poduzet u saradnji sa Ministarstvom za rođenje, razvoj i potporučujuće mreže za žene.


Deklaracija "Doprinos akcije podrške u borbi protiv rodno zasnovanog nasilju" je učinak deklaracije 3. decembra u Mostaru ustanovljene Akcione koalicije, koja je u sklopu projekta "Ustvarjanje bezbednijih i potporučujućih mreža za žene u borbi protiv rodno zasnovanog nasilja", poduzet u saradnji sa Ministarstvom za rođenje, razvoj i potporučujuće mreže za žene.

Saradnja sa influenserima i influenserkama

Kako bi se istaknula važnost postizanja rodne ravnopravnosti i proširile poruke kampanje, ostvarena je saradnja sa odabranim bh. influenserima i influenserkama na društvenim mrežama. Influensi/ke Fića Crew, Brankica Raković, Tomislav Cvitanušić, Ana Kotur Erkić, Haris Jusović i Nikola Vučić podržali su kampanju kroz proizvodnju različitih sadržaja o važnosti postizanja rodne ravnopravnosti i zajedničkog rada u cilju kreiranja rodno ravnopravne budućnosti.



FIĆA CREW

<https://bit.ly/3JmlmTc>
<https://bit.ly/3JzOXJ5>
<https://bit.ly/32BShIM>



TOMISLAV CVITANUŠIĆ

<https://bit.ly/3FzTokB>
<https://bit.ly/3qt9juA>



ANA KOTUR ERKIĆ

<https://bit.ly/3z1BWmA>
<https://bit.ly/3sEQ6bW>
<https://bit.ly/3Hm8lat>

NIKOLA VUČIĆ
<https://bit.ly/3mUVSTp>



HARIS JUSOVIĆ
<https://bit.ly/335RkT8>

Video produkcija

U sklopu kampanje kreirane su video priče koje su u fokusu imale različite aspekte rodne ravnopravnosti.

Elvira Ganibegović,

mlada poduzetnica i vlasnica dječjih vrtića "Kidtropolis" iz Zenice, govorila je o svom iskustvu osnivanja biznisa i o važnosti predškolskog obrazovanja, kao i o ekonomiji brige.

TV voditelj Nikola Vučić i psihologinja Hana Sokolović razgovarali su o rodnim ulogama, osvrćući se na važnost prevladavanja rodnih stereotipa koji štete i muškarcima i ženama.

Glumac Amar Selimović i glumica Mona

Muratović pridružili su se pozivu za okončanje seksualnog nasilja nad ženama, nastavljajući svoju podršku pokretu "Nisam tražila". Iskusna aktivistkinja Jadranka Miličević, osnivačica Fondacije CURE, i mlada aktivistkinja Sabina Lizde, koja je zaposlena u istoj fondaciji i članica je Savjetodavne grupe mladih kampanje "Generacija za ravnopravnost", razgovarale su o stanju rodne ravnopravnosti u prošlosti i sada. Konačno, dva kratka animirana videa prikazuju izbor činjenica koje govore više o stanju rodne ravnopravnosti u Bosni i Hercegovini, s ciljem pokazivanja primjera rodne neravnopravnosti koji su rezultat tradicionalnih društvenih normi i patrijarhata.





GENERATION
EQUALITY



U partnerstvu sa:



BOSNA I HERCEGOVINA
Ministarstvo za ljudska prava i izbjeglice
Agencija za ravnopravnost spolova
Bosne i Hercegovine



VLADA REPUBLIKE SRPSKE
Gender centar — Centar za jednakost
i ravnopravnost polova



BOSNA I HERCEGOVINA
FEDERACIJA BOSNE I HERCEGOVINE VLADA
GENDER CENTAR
FEDERACIJE BOSNE I HERCEGOVINE



UNITED
NATIONS
BOSNIA AND
HERZEGOVINA
.....

Uz podršku:



Švedska
Sverige

